

2024

HMAR

(Modern Indian Language)

Full Marks : 100

Pass Marks : 33

Time : Three hours

UNIT – I (PROSE)

25 Marks

1. Shanti nu hming chu ie'm a ni a? 1
2. A hnuoia indawnnahai hi thumal 20 vël sengin dawn rawh: 2×5=10
 - (a) Thanga le Lienì'n ieng thu am an thlung a?
 - (b) Zâwlbûk chu tuhai ta dinga inzirtirna hmun pawimaw am a ni a?
 - (c) STD le STI hi an lam sei ziek rawh.
 - (d) Pi le puhai khan Mithi khuo chu tuhai khawsakna hmun am ni dingin an ring a?
 - (e) Inpui nghâktu'n lukhâwng a dawng ding thil pahni ziek rawh.
3. A hnuoia indawnnahai hi thumal 35 vël ve vein dawn rawh: 3×2=6
 - (a) Damdawi hmangkhawhlo dân thil 3 (pathum) ziek rawh.
 - (b) Pi le puha'n Kulsamnuin Mithi khaw pan hai a sawisak dân nia an ring chu ziek rawh.

P.T.O.

4. A hnuoia indawnnahai hi thumal 60 vêl ve vein dawn rawh: $4 \times 2 = 8$
- (a) 'Sûngkhat Ei Nih' ti thupui tak nia i hriet chu ziek rawh.
- (b) Pi le pu huna nêka upa inzana a hung suok dân ziek rawh.

UNIT – II (POETRY)

25 Marks

5. In inchûklaia 'Lily Pâr Lalnunnemin a Nghâk Che' ti hla hi tu phuok am a ni a? 1
6. A hnuoia indawnnahai hi thumal 20 vêl sengin dawn rawh: $2 \times 5 = 10$
- (a) Virthli lêngin innêm ruoia a thâwi dam chu ie'm a ni a?
- (b) Neithang-in khawvêl laka vân danglamna a hril chu ziek rawh.
- (c) Suilung Phânglo hla'n, 'Setan thlunglu râl ang lâmin,' a ti hi, ieng tina am a ni a?
- (d) Sikpuilâm hla'n indona hmangruo a hrilhai chu ziek rawh.
- (e) Darkamlo-in 'Lalngo' a ti hin tu'm a'n kâwktir a?
7. A hnuoia indawnnahai hi thumal 35 vêl ve vein dawn rawh: $3 \times 2 = 6$
- (a) Hlapu'n, 'Aw, ka'n siengna ramin a zir ta nawh, muongna le lâwmna zawng lang khawm,' a ti hi, hril fie rawh.
- (b) Sikpuilâm hla thupui pawimaw zuol 3 (pathum) ziek rawh.
8. A hnuoia indawnnahai hi thumal 60 vêl ve vein dawn rawh: $4 \times 2 = 8$
- (a) Neithang-in, 'Tu khawm hlun sùng ei um nawh,' a ti hi, hril fie rawh.
- (b) 'Virthli Lêng' hla'n virthli lêng thil thaw a hrilhai chu ziek rawh.

UNIT – III (READING)

10 Marks

9. **A hnuoia thuziek hi tiem rawh:**

Ngâw le rannunghai hin inlaichinna an nei ti i hriet am? Ngâwhai chun boruoka inzâm vêl sôm an hîp a, ruo an insûrtir hlak. Ngawa thing le ruo le hlo hnahai chun hringna dinga pawimaw Oxygen boruok an inthuk dawk a, boruok sie Carbondioxide an hîp lût ve thung. Rannunghai ruok chun mihriemhai ang bawkin Oxygen an hîp lût a, Carbondioxide an inthuk dawk hlak. Ngawa ruo tui chu hnuoi sêngah luong lûtin, tlâng pangah tuisamin a hung pût a. Vadung a tlung vak ngai nawh. Chuleiin, ngâw chun tui lêt ding a dang a, boruok fim le tui inthieng a mi pêk. Ngawhai chu thei le pâr, rim inhnik chi tinrêngin an bâwm a, a mawi em em.

Chuong pârhai chu thingzâr vate le khuoiha'n an tlân hlak.

I. A hnuoia thumalhai le umze inhnai/inang, a chung a thuzieka inthawkin la suok rawh:

- | | |
|----------------|---|
| (a) Rampui | 1 |
| (b) Thienghlim | 1 |

II. Ngâw hin ieng tin am tui lêt ding a vêng thei a? 2

10. **A hnuoia thuziek hi ngun takin tiem rawh:**

Pathien ngaisak hi lungawina thang chun hlâwkna nasa tak a ni hrim a nih. Khawvela hin ieng khawm ei lût pui naw a, ieng khawm ei suok pui thei bawk nawh. Nisienlakhawm, fâk ding le sil ding neiin, chuonga chun lungawi ei tih. Amiruokchu, hausak tumtuhai chu thlêmnaa dâm, châng a dâm, invêthlâk le sukkhawhlo thei inhâwkna tam taka dâm an tlu lût a, chuong inhâwkna hai chun

sietna le boh mangnaah mi a suktlum hlak. Tangka sum ngainat hi suol tinrêng bul a ni si a; chu chu mi'n an inhnar a, ringna chu an fe hmangsan a, anni le anni chu lungngaina tam takin an insun tlang ta nguon a. Nisienlakhawm, nang Pathien mi, chuong thilhai chu tlânsan la, felna dâm, Pathien ngaisakna dâm, ringna dâm, hmangaina dâm, dawtheina dâm, thuhnuoirawlina dâm chu hnawt pei rawh. Ringna inruolsiekna tha chu thaw la, chatuon hringna chu chel rawh; chu chu chang dinga ko i nih.

- (a) A chung a thuzieka inthawkin thupui pawimaw zuol 3 (pathum) nêka tlâwm lo la suok la, ziek thla rawh. 3
- (b) Thupui pawimaw zuol i ziek thlâkhai chu a Summary ziek rawh. 3

UNIT – IV (WRITING)

30 Marks

11. School captain i ni a. In school-in Essay Writing Competition in huoihawt ding thua inhrietirna, Notice ziek dân takin ziek rawh. 3
12. Class X i pass ti i hriet nia i lungrila thil umhai, i Diary-a i ziek dân chu ziek rawh. 3
13. 'Ka Chûnnu' ti thupui hmangin, hla tawi phuok rawh. 4
14. 'The Churachandpur Times' reporter i ni a. Teddim road-ah accident a um a. News report i ziek dân ding takin report ziek rawh. 4
15. Manipur buoina leia lekha inchûknaa harsatna i tuok dân, i nu le pa kuoma lekthawnin hril rawh. 6

Annawleh,

Tlângrama chêng i pa chu, ramsa pêl bânsana ramsa humhalna tienga theitâwpa hma la lem ta dinga ngêna, lekthawnin hril rawh.

16. A hnuoia thupui pakhat lem lem hi, thumal 200 vêlin Essay ziek rawh: 10
Lungril hrâtna dingin taksa insâwizawi a pawimaw.

Annawleh,

Inremna le muongna a um naw chun ramin hma a sâwn thei nawh.

UNIT – V (GRAMMAR)

10 Marks

17. A hnuoia hai hi ziek dik rawh: 1×6=6
- (i) Huon suongah vawk a luot.
 - (ii) Tlâk tieng hin nisa a thla hlak.
 - (iii) 'Khum hnuoi a bal,' tia 'hnuoi' hi adjective a nih.
 - (iv) 'A mi en rak rak,' tia 'rak rak' hi double verb a nih.
 - (v) Thanga le Thangi chu anin hmangei.
 - (vi) Hmar trong ziek ka thiem noh.
18. A hnuoia thlang ding umhai laia a'n dik tak chu thlang suok rawh: 1×4=4
- A. 'Tlangvâl taima ka dit,' tia adjective chu –
- (i) 'Tlangvâl' hi a nih.
 - (ii) 'Taima' hi a nih.
 - (iii) 'Ka' hi a nih.
 - (iv) 'Dit' hi a nih.

B. 'In in in bâwl khan ieng za'm in sêng?' tia hin pronoun 'in' chu –

(i) Pathum a um.

(ii) Pahni a um.

(iii) Pali a um.

(iv) Pakhat a um.

C. 'Hotupa'n a ko cheu,' tia pronoun 'cheu' hi –

(i) First person a nih.

(ii) Second person a nih.

(iii) Third person a nih.

(iv) Fourth person a nih.

D. 'Tuiruong vadung a liem,' tia 'Tuiruong' hin –

(i) Adverb sin a thaw.

(ii) Noun sin a thaw.

(iii) Adjective sin a thaw.

(iv) Verb sin a thaw.